

جریدہ علیہ

مشیت جلیلہ اسلامیکہ جریدہ رسمیه میر

صفر ۱۳۳۸

عذر ۵۰

آیدہ برنشر اولنور

بسنجی سنہ

شروع انباشنده ویا شری ارتکاب ویا فراغدن سوکره نغسده بر قبح طویماز. ایشته بویه اولان انسانه شریر دیر .

انسان بالطبع عبادت خدایه میل ایدر چونکه منعمه شکر انسانک طبیعتده مرکوزدر . بونک اثری هر کسده ظاهر در . منعمه قارشی اولان شکرک اقل درجه سی منعمه قارشو بالطبع بشاشت ونشاط اظهار ایتکدر . انسان فعل خیرده تکلفه محتاج اولماز . بیلیرکه هر کس منعمه بشاشت ونشاط اظهار ایدور ، آنی عین رضا ایله کور یور .

انسانه الک زیاده ضرر ویرن شی انسانک باشقه سنک حاله باقسیدر . بوکا مبنی بز اخلاقاً مادونه باقق ایله مأمورز . مادونه باقان کیمسه کندیسنه ویریلن شیئه راضی اولور . منبع شر اولان حسددن اوزاق اولور .

لله در الحسد بدأ بصاحبه وقتله

فرد مادونه باققی ؟ حسددن اوزان اولمی ؟ امت ، جماعت ایسه مافوقه باققی ، آنی کچمک ایچون مسابقه ایتکیدر . انسان بالطبع شریردر دینلر انسانلرک چوغنده کوردکلری شری ملاحظه ایدیورلر . فقط غریزمنک نهدیمک اولدیغنی ، منشائی تحلیل ایتیمورلرده ناقص استدلالده بولیمورلر . بناء علیه انسان بالطبع شریر دکلدر .

از میرنی

اسماعیل صفی



دارالحکمة الاسلامیه ده متشکل اخلاق قومیسونی اعضای متخبه سندن
علی رضا بکک عشرت حقنده کی تقریرلریدر

ایچکی ندر وصحت ایچون لازم وفائده لیمیدر ؟

ایچکی ، ایچنده کی اسپرتونک تاثیریه موقت بر نشئه وزندکی ویرن مشروباته اطلاق اولور . بونلرک انواعی بله چوقدر . باشلیجه لری : شراب ، قونیاق ، راقی ، پیرا ، ویسکی ، آبست ، ووتقا ، سارتروز ، وولندردر واط . بونلرک هپسی ده صاف حالده

مختلف نسبتده کثول، صو، تان، حامض تفاح، حامض حل، حامض طرطریتر، مختلف مواد ملونه و مختلف مواد عطریه، نئسانسلر و اترلری حاویدر. ایچکیلره داخل اولان بو مواددن صودن ماعداسی انسانه نه لازم نه ده فائده لیدر. قانک وانیجه نك هیچ بر قسمنی تشکیل اتمز و همان کافه سیده مضر در. بالخاصه تانسلر، جامضلر، عطریات بتون عواقب و وخامتیه التهابات معدویه، امعا و قرد جگر و بوبرک خسته بقدرینه باعث اولور. اسپرتو و اترلر اولار بر تنیه و متعاقباً بر انحطاط حاصل ایدر که جاد شکلنده (سر خوشانی) و منمن حالنده (داء الکثول، آلقولیزم = ایچی خسته لغی) تشکیل ایدر.

ایچی اشتهای آچارمی و کثول بر غذا میدر؟

ایچکینک نعمته باشلوجه سبب آز بر مقدارده قوللا نیلدیغی وقت یالانچی بر کیف و قوت و یرمسی و معددی تنیه ایدرک اشتهای آچسیدر. ایشته ایچکینک اک بیوک قتالغی، بشریت ایچون اک بیوک فلاکت اولمسی اسپرتونک بو خاصه سندندر بر دفعه ایچکینک بو موقت و مضر نشئه سنی دویانلر بونک دوامتی ایسته مکده و ایچی به قویومقده درلر. بو یوزدن ایچکینک معتدل بر مقدارده استعمالی ممکن دکلددر. هر زمان و هر کس ایچون شوه استعمالی محققدر. بر دفعه ایچمکه باشلایان بر آدم اوچور و مودن یووارلر تقددر؛ اونی یقویمه نك امکانی یوقدر.

ایشته دین مبین احمدیده حمرك قطع سنك حرام اولمسنك حکمتی بودر.

ایچی اشتهای آچاز؛ آلداتیر. قاپانان اشتهای ایچی ایله دکل معتدل و منتظم بر ممارسه بدنیه ایله انتظام و حفظ صحت داخلنده یشامقده آچیلور. مع التأسف بر چوق معلوماتلی کیمسه لر حتی بعض طیبیلر اسپرتونک فائده لی بر غذا اولدیغی سویلکده درلر. بو قطعاً یالاندر چونکه اولاً عضویتده حال طبعیده کثولک اثرینه تصادف اولنه ماز. ثانیاً تمثیل ایدلر، بر قسمی دماغده، کبدده، عضلاتده تراکم ایدر؛ بر قسمی تحلیل ایدرک آسه تون، آلددهید و حامضات کبی مضر مواد منقلب اولور؛ بر قسمی ده حال طبعیده بوبرک، رنه و مملر واسطه سیله خارجه اطراح اولنور.

ایچی انسانی ایصیدرمی؟

حرارت بدنی نقیض ایدر؛ مبرددر. کرچه بر مقدار بردن ایچیلور ایسه عضویت

بو زهری وجوددن طرد اتمک ایچون دوران دمی حال فعالیتته کتیردیکندن ترفع حرارت کوریلیرایسهده بوده کئولک صرفیاتندن دکل بالعکس وجودیمزده کی اکی موادغذاییه مک ضررینه اوله رق تحصیل ایدر . موقه ترفع ایدن حرارت بالاخره شدیداً تنزل ایدرک تبرد ، تعب وضعفیت حصوله کتیرر .

ایچکینک ایچنار ایچون وهیئت اجتماعیه بشریه ایچون مضرتی نهدر ؟

کئول بر زهردر . بر قاشینی بر نوزادی ، کوچک قدی ایکی یاشنده چوچنی ، کوچک بر باردانی اون یاشنده بر چوچنی ، تام بر باردانی بیوک بر آدمی اولدورر . اسپرتوی حاوی اولان ایچکیلرک هانکیسی اولورسه اولسون محیی دکلدر . بونلرک ایچنده اسپرتودن بشقه معده وقره جگری التهابلاندیره جق عناصر مخرشه موجود وصنایعده قوللانیلان عادی اسپرتولرک مضر صحت اولوب اوزومدن ویا شرابدن استحصال اولنان اسپرتونک ضررسز اولدینی فکریده خطای عظیمدر . زیرا بونلرک بعضیلری دیگرلرینه نسبتاً دهاتهلمکلی ایسهده اسپرتونک بتون انواعی داءالکئولی حاصل ایدر .

آلقولیزم

اسپرتونک باعث اولدینی خسته لقلرک مجموعنه آلقولیزم دینور . آلقولیزم ایکی نوعدر بریسی حاد (سرخوشلق) دیگرى مزمندر .

سرخوشلق

حاد آلقولیزم معناددن ووجودک تحملندن فضله ایچکی استعمالندن حاصل اولور . حقیقی آلقولیکلر یعنی ایچکی اعتیاد ایدمیش اولانلر نادراً سرخوش اولورلر . سرخوشلقک ایلک دورى افکار وافعالک تشدد وتهیجندن عبارتدر . ایکنجی دور برنجینک عکسنه اوله رق انحطاط وملکاتک تغیراتیه متصف اولوب حرکاتده وموازنتی محافظهده مشکلات حاصل اولور . اوچنجی دورده ایسه حسیات وحركات کلیاً زائل اولور ونهایت موتیده موجب اولور . ایلک دورک نشئه وزندکیسنى طامش اولانلر بونی یکیدن ودائمی صورته تدارک آرزوسنده بولنه جقلرندن ایچکی به تسلیم نفس ایدرلر واککسکین ایچکیلری استعماله باشلایه رق مزمن آلقولیزمه مبتلا اولور .

مزمن آلقولیزم

آلقولیزم حقیقی بر زهرلیمکدر . تأثیراتی بتون عضویتک تخریباتنده اراهه ایدر .

هیچ بر اعضا اونك تأثیر نخریدن آزاده قاله‌ماز . قان بوزولیر ، قان دامارلری تغیراید
(تصلب شراین) ، افعال هضمیه مختل اولور . معده ، کبد وامعا وظیفه‌لری یاباما .
تنفس بورولری ، جگرلر ، بوبرکلر بو تخریساتدن نصیبه‌دار اولور . فقط بو تخریباتك
ایچنده اك زیاده مدهشی جمله عصبیه‌ك خرابیتی وتشوشاتیدر .

آقوتلیك اولان رعشات واختلاجانہ دوچار اولور . الیر ، آیاقلر تتره ، کوزلرده کی
شمعه ذکا سوزر ، نظر استقامتی غائب ایدر . هذیانات کلیر ، کوزلری خیالات کوروپ
قولاقلری عجیب وهرب صدالر ایشیدیر . اخلاق وطبیعی شعور وزکاتتی غائب ایدر .
احتراساتنه کندینك وعائله‌سنك منافعی فدا ایدر . اکر تجنن ایتز ویا التهاب سحایا حمله سیله
تلف اولماز ایسه حیاتی سفالت وبلاہت ایچنده ختامه ایردیر .

آقولیزم حیات بشری تنقیص ایدر . اك وخیم خسته‌لقلرك مسبیدر . نوع بشرك
تردیبی اسبابك اك مهملرندن بریدر . آقولیکلرك چوجقلری احق ، صرعہ‌لی ، مراقلی
ودها بر چوق نقایص اخلاقیه وجسمانیه ایله معلول اولورلر . تولداتك تناقصی وبحران
اجتماعیلرك منشئی آقولیزمده آراملیدر . آقولیزمه طوتلش اولانلرك تشفیہ‌سی همان
همان غیرقابلدر . بردفعه ایچمش و آرتق ایچهرك اوله جکدر . آقولیزم همه حال اسپرتونك ،
ایچکیلرك سوء استعمالدن حصوله کلز . مزاج وطبیعتہ کوره آز بر مقدارده استعمال
ایدنلرده دخی آقولیزمی اکثریا کورلمکده در .

ایچکینك منع تعمی وتحذید مضراتی چاره‌لری

اسپرتولی ایچکیلرك شو صورتله مضر وزهرلی بولندقلری آکلاشلدقدن صکره بونك
تحذید مضراتی ایچون دوشونیله‌جك تدابیردر . ایلك اول خاطرہ کافی بوزهری اورته‌دن
قالدیرمقدر . زیرا بو طاتلی زهر اورته‌ده بولندجقه یازیله‌جق مقاله‌لر ، کتابلر ، رساله‌لر ،
صرف زلزله‌جق امك ونفسلر پك بوش اوله‌جقدر . اکر بر ایش یایلمق ایسته‌نیلور
ایسه اونی اساندن یاقه‌لق ایجاب ایدر . مع‌مافیہ بو ایچکی علیهدارلنی بشریتده عصرلق
مسئله‌لردن بریدر . روما تاریخلرنده ایمپراطورلرك بونکله اوغراشدقلری ومشر بر نتیجه
الده ایدمه‌مدکلری مذکوردر . عصر اخیرده بو مسئله‌ی اك ای حل ایدن آمریقالیلردر .
بونلر قانونلرینه اسپرتو اعمالی واستعمالی ونفلنك ممنوعیق حقتده ماده مخصوصه قویملر

و کمال شدتله تطبیقه باشلامشلدرد . بز بودرجه سی یابه مساق اسپرتوی بسبتون قالدیر مساق بیلله هیچ اولمازسه بو زهری صنایعده ، طبابتده مستعمل مواد سمیه مثللو محافظه آلتیه آله بیلیمه منمکنندر . اتخاذا اولنه جق تدابیر ایکی درلودر . بریسی طوغریدن طوغرییه اسپرتو علیهنده دیکریده بونی استعمال ایدنلر علیهنده در و بونلرده بروجه آتیدر :

(۱) اسپرتو و مشروبات کتولیه اعمالنی تحدید ایتمک .

حکومتک قونطورولی آلتنده مملکتک اک مساعد اقامنده بیوک و محدود مؤسسه لرده اعمال ایتدیرمک ، کیزلی اوله رق اسپرتو اعمال ایدنلوی عیناً زهرلی ماده لر اعمال و فروخت ایدنلر مثللو تجزیه ایتدیرمکدر . بزده اسپرتو و مشروبات کتولیه نک تقیش و وارداتنک جباتی دیون عمومیه یه ویرلمشدر . دیون عمومیه یه رسمی اعطا ایدن هرکس اسپرتو و مسکرات اعمال ایدم بیلیمکده در . بو ایسه غیر جائزدر . کرچه بویه تحدید ایدن دیون عمومیه اداره سی و علاقه داران ممنون اوله میه جقلر ایسه ده مقتدر و همتلی رجال دولتک موفق اوله جقلرنده شبه یوقدر .

(۲) داخل مملکتده اسپرتو نقل و استعانی قونترول ایتمک .

بوکون بزچوق مواد سمیه و طویه نصل راست کلن سربستجه نقل و فروخت ایدنلر میور ایسه اسپرتونک سربستی فروختنی ده منع ایتمک لازمدرد .

(۳) اون ایکی غمراه دن فضله کسکین مشروبات کتولیه انواعنک اعمالی و فروختنی کلیاً منع ایتمک .

بیرا و قونیاق و شراب مثللو خفیف ایچکیلر اعماله وضع اولنه جق اصول و قیدات دائره سنده مساعدده اولنه بیلیر .

(۴) خارجدن کله جک اسپرتو و مشروبات کتولیه اوزرینه و داخلده بابله جق ایچکیلر اوزرینه آغیر ویرکو طرح ایتمک .

مجلس مبعوثان عثمانیک ایلک دور اجتماعده تنظیم ایدیلان اسپرتو قانوننی موقع تطبیقه وضع ایتمک و بو مخصوصده دول بساثره ایله استلافات حصوله کتیرمک ممکنندر .

(۵) ایچکی صایان محللره و بونکله اجرای تجارت ایدنلره آغیر پاتنت و تمتع ویرکولری طرح ایتمک .

۴ و ۵ نجی ماده لر ایچکینک فیاتی یوکسلتیر؛ مقتدر اوله میانلر ایچمکدن صرف نظر ایدیبیلیر. صایجیلرک دارینی تحدید ایدر. بوکون هرکوشه باشنده برمیخانه آچلمقده در. (۶) علی ملا الناس سرخوش اولدقلری آ کلاشیلان و بونلره سرخوش اولنجیه قدر ایچکی ویرن میخانه جیلری قانون مخصوصله نقدی اوله رق تجزئه ایتک و حتی میخانه لرینی قیامق.

بو ماده حقنده ایضاحاته لزوم یوقدر. فوائدی آشکاردر. و بوکون استانبولده کی دول ائتلافیه کندی افرادینه بو یولده ایچکی ویرن میخانه جیلر حقنده بو ماده نی تطبیق ایتمکده در.

(۷) دفعاتیه سرخوش اولدینی کوریلوبده لدی المعاینه آقولیزمه مبتلا اولدینی تحقیق ایدنلری خسته لقلرینک درجه سیه کوره بر مدت تیمارخانه یه و یا حبس خانه یه القا ایتک.

(۸) بالعموم ذکور وانات مکتبلرند ه حفظ الصحه درس لری میانده اوقوتدیرلوق اوزره اسپرتو و ایچکیلرک مضراتی حقنده رسملی بر رساله یازوب تعمیم ایتک.

(۹) هر طرفده ارباب اختصاص طرفدن قونفرانس لر، سینه مالر ترتیب ایتک، پایتخنده، طشرده مطبوعات واسطه سیله مقاله لر، بیاننامه لر نشر ایتک، جامعلرده، تکیه لرده مادی مضراتی، معنوی عقوباتی حقنده وعظ و نصیحتکر و یرمک.

(۱۰) آقولیزمک و امراض زهره و یه نک آفات و فلا کتلرینی مصور سیار موزهلر و سرکیلر تشکیل و تشهیر ایتک.

تجارت و زراعت نظارتی امور بیطریه
مدیر عمومی

علی رضا



[بیاننامه]

عناصر اسلامییه حتی عینی عناصره منسوب افراد مسلمه یی بر بریته باغلا یان اولی رابطنه نک جبل متین اسلامدن باشقه برشی اولمادینی و بوندن بویله ده اولیمه جغفی زمان یزه لسان حادثات ایله تکرار ایدوب طو درکن مع الاسف مطلوب اولان انتباهک حصولی هنوز مشاهده ایدیلهمیور.